

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র সরকার মৎস্য ও পশুসম্পদ মন্ত্রণালয়কে সহায়তা প্রদান করেছে

ঢাকা, ২৮শে জানুয়ারি -- এভিয়ান ইনফ্লুয়েঞ্জা প্রতিরোধ ও নিয়ন্ত্রণ কার্যক্রম শক্তিশালী করার কাজে সহায়তা করতে যুক্তরাষ্ট্র সরকার বাংলাদেশ সরকারকে ১০,০০০ সেট 'ব্যক্তিগত সুরক্ষা সরঞ্জাম' (পিপিই) প্রদান করেছে। প্রতিটি 'পিপিই' সেটে রয়েছে দেহাবরণী, জুতার খোল, শ্বাস গ্রহণে সহায়ক যন্ত্র (রেসপিরেটর), চশমা, অ্যাথ্রোন, আন্তঃ-ও বহিঃ-দস্তানা। হাঁস-মুরগি নিধন করা, 'এইচফাইভএনওয়ান' ভাইরাস পরীক্ষার জন্য নমুনা সংগ্রহ করা এবং আক্রান্ত পশুপাখি পুঁতে ফেলার সময় সরকারের পশুসম্পদ কর্মকর্তাদের সুরক্ষার জন্য এবং সংক্রমণের সম্ভাবনা হ্রাসের জন্য পিপিই অত্যন্ত গুরুত্বপূর্ণ। মৎস্য ও পশুসম্পদ মন্ত্রণালয়ের পশুসম্পদ অধিদপ্তর গতকাল রোববার ২৭শে জানুয়ারি এই অনুদান গ্রহণ করে।

এভিয়ান ইনফ্লুয়েঞ্জা প্রতিরোধ ও নিয়ন্ত্রণে ঢাকাস্থ যুক্তরাষ্ট্র দূতাবাস এর অন্যান্য সহযোগী এবং বাংলাদেশ সরকারের সাথে বিগত বছরে ঘনিষ্ঠভাবে কাজ করেছে। পশুসম্পদ অধিদপ্তর কর্মকর্তাদেরকে 'পিপিই'-এর সঠিক ব্যবহার, এই রোগে সংক্রমিত হাঁস-মুরগি পরীক্ষা-নিরীক্ষা এবং সেগুলোর নির্মূল বিষয়ে তাদেরকে প্রশিক্ষণ দেয়া এই সকল কর্মসূচির মধ্যে অন্তর্ভুক্ত ছিল। এভিয়ান ইনফ্লুয়েঞ্জা প্রাদুর্ভাবের সাথে সাথে যাতে দ্রুত সাড়া দেয়া যায় তার যথাযথ প্রস্তুতি নেয়ার জন্য এই সকল 'পিপিই' পাঠানোর আগে যুক্তরাষ্ট্র সরকার বাংলাদেশের মৎস্য ও পশুসম্পদ মন্ত্রণালয়কে সাড়ে ছয় হাজার (৬,৫০০) 'পিপিই' কিট, ২০টি দূষণমুক্তকরণ কিট (ডিকন্ট্যামিনেশন কিট) এবং চার হাজার (৪,০০০) 'আশু জীবাণুরোধক কিট' (র্যাপিড অ্যান্টিজেন কিট) পাঠিয়েছে। এভিয়ান ইনফ্লুয়েঞ্জা বিষয়ক যে কোন উদ্যোগে এবং একই সঙ্গে ঘূর্ণিঝড় সিডর পরবর্তী পুনর্বাসন প্রচেষ্টায়ও যুক্তরাষ্ট্র দূতাবাস তাদের সহযোগিতা ও সমর্থন অব্যাহত রাখবে।

=====

জিআর/ ২০০৮

**দ্রষ্টব্য:** এই নিবন্ধের ইংরেজি ভাষা 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল:

[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।